



Chantal Gary, M. Marc Hansen, Mme Josée Lorsché et M. Charles Margue ;

MM. Jeff Engelen, Fernand Kartheiser, Fred Keup et Roy Reding (par M. Fernand Kartheiser) ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

8. 7737 - Projet de loi portant transposition de la directive (UE) 2019/1160 du Parlement européen et du Conseil du 20 juin 2019 modifiant les directives 2009/65/CE et 2011/61/UE en ce qui concerne la distribution transfrontalière des organismes de placement collectif et portant modification de : 1° la loi modifiée du 17 décembre 2010 concernant les organismes de placement collectif ; et de 2° la loi modifiée du 12 juillet 2013 relative aux gestionnaires de fonds d'investissement alternatifs (suite)

Als Nächst hu mer de Projet de loi 7737 iwwert d'Transpositioun vum enger europäescher Direktiv am Beräich vun de Kollektivplacemeter. An ech ginn d'Wuert un den Här Finanzminister Pierre Gramegna.

Prise de position du Gouvernement

■ **M. Pierre Gramegna, Ministre des Finances.**- Merci, Här President. Nach eng Kéier merci och un de Rapporteur André Bauler.

Ech mengen, ech brauch hei net laang drop anze-
goen, wéi wichteg d'Fonds-d'investissements zu
Lëtzebuerg sinn. Mir hunn elo méi wéi 5.000 Mil-
liarde Fongen, déi hei geréiert sinn. Dat sinn hir
Avoiren. Domadder si mir d'Nummer zwee op der
Welt an en fait am internationale Verkaf vu Fongen
d'Nummer eent an der Welt.

Eis Fonge ginn a 70 Länner verdeelt an der Welt. A
fir déi Fongen, déi méi wéi an zwee Länner ver-
maart ginn, do hu mir en Undeel - Lëtzebuerg - vu
60 %! Bal also zwee Drëttel vun alle Fongen, déi a
méi wéi zwee Länner verkaaft ginn, sinn hei zu Lët-
zebuerg beheimat.

Dofir ass et natierlech wichteg, dass mer déi heiten
Direktiv transposéieren. Mir transposéiere se na-
tierlech, well dat elo nei europäesch Reegele sinn,
mee mir transposéieren et awer och destoe léiwer,
well et eng Modernisatioun vun der Vermaartung
hei mat sech bréngt. An déi Modernisatioun be-
steet doranner, dass ee vill méi kann digitaliséieren
an dass een d'elektronesch Moyene ka besser ge-
brauchen, dass een och elektronesch de Premarke-
ting ka maachen. Alles dat wäert natierlech zu der
Attraktivitéit vu Lëtzebuerg bäidroen.

Et kënn och eng méi grouss Protektioun vum In-
vestisseur hei zustanen, wat natierlech eng ganz
wichteg Saach ass. Mir hu jo och gesinn, dass an
der Finanz-, oder plutôt an der ekonomescher Kris,
déi vun der Pandemie provoziert ginn ass, mat
Ausnam vun zwou Wochen am Mäerz, en fait d'In-
vestitiounsfongen immens gutt resistéiert hunn. Si
si plutôt en Element vun der finanzieller Stabilitéit
wéi de Contraire. An doriwwer kënnen mer eis
freeën.

Dat heescht, déi heiten Direktiv stäerkt och d'Union
des marchés des capitaux. An dat ass eng gutt
Saach. Mir hunn och eng Flexibilitéit erabruucht,
dass ee kéint déi Fongen a verschiddene Kontabili-
téitsreegele maachen, net nëmmen dann an euro-

päescher - och de LUX GAAP ass méiglech -, mee
awer och d'amerikanesch Kontabilitéit ka gebraucht
ginn. Dat gëtt eng zousätzlech Flexibilitéit, déi vun
den Acteure ganz héich geschätzt gëtt.

Ech soen lech och hei Merci fir d'Ennerstëtzung.

■ **M. Fernand Etgen, Président.**- Merci dem Här
Finanzminister Pierre Gramegna.

Mir kommen zur Ofstëmmung iwwert de Projet de
loi 7737⁵.

Vote sur l'ensemble du projet de loi 7737 et dis- pense du second vote constitutionnel

Fir d'éischt de Vote électronique fir déi perséinlech
Stëmmen.

Duerno maachen ech den Appel nominal fir déi, déi
wëllen e Vote par procuration ofginn.

(Appel nominal pour votes par procuration)

Domadder ass dëse Projet de loi mat 58 Jo-
Stëmme géint 2 Nee-Stëmmen ugehall.

Résultat définitif après redressement : le projet de
loi 7737 est adopté à l'unanimité des 60 votants.

Ont voté oui : Mmes Diane Adehm, Nancy Arendt
épouse Kemp (par M. Laurent Mosar), MM. Emile
Eicher, Félix Eischen, Paul Galles, Léon Gloden
(par Mme Octavie Modert), Jean-Marie Halsdorf,
Mmes Martine Hansen, Françoise Hetto-Gaasch,
MM. Aly Kaes, Marc Lies, Georges Mischo,
Mme Octavie Modert, M. Laurent Mosar,
Mme Viviane Reding, MM. Gilles Roth, Jean-Paul
Schaaf (par Mme Diane Adehm), Marc Spautz, Serge
Wilmes, Claude Wiseler et Michel Wolter (par
Mme Martine Hansen) ;

MM. Guy Arendt, André Bauler, Gilles Baum,
Mme Simone Beissel, MM. Frank Colabianchi,
Fernand Etgen, Gusty Graas, Max Hahn, Mme Carole
Hartmann, MM. Pim Knäff, Claude Lamberty et
Mme Lydie Polfer (par M. André Bauler) ;

Mme Simone Asselborn-Bintz, M. Dan Biancalana,
Mmes Tess Burton (par M. Georges Engel), Francine
Closener, MM. Yves Cruchten, Mars Di Bartolomeo,
Georges Engel, Claude Haagen, Mmes Cécile
Hemmen et Lydia Mutsch ;

Mme Semiray Ahmedova, MM. Carlo Back, François
Benoy, Mmes Djuna Bernard, Stéphanie Empain,
Chantal Gary, M. Marc Hansen, Mme Josée Lorsché
et M. Charles Margue ;

MM. Jeff Engelen, Fernand Kartheiser, Fred Keup et
Roy Reding (par M. Fernand Kartheiser) ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote
constitutionnel?

(Assentiment)

Et ass also esou decidéiert.

9. 7839 - Projet de loi portant approbation de l'Accord modifiant le traité instituant le mécanisme européen de stabilité, signé à Bruxelles les 27 janvier et 8 février 2021

7838 - Projet de loi portant approbation de l'Accord modifiant l'Accord concernant le transfert et la mutualisation des contribu- tions au Fonds de résolution unique, signé à Bruxelles les 27 janvier et 8 février 2021

Als nächst hu mer de Projet de loi 7839, en Accord
iwwert den Europäesche Stabilitéitsmechanismus.
Et sief drop higewisen, dass laut Artikel 114 vun der
Verfassung eng qualifizéiert Majoritéit vun zwee
Drëttel vun de Stëmmen erfuerdert ass. De Vote par

procuration ass deemno net erlaabt. D'Riedezäit
ass nom Basismodell festgeluecht. An ech géif
d'Wuert un de Rapporteur vun dësem Projet de loi
ginn, den honorabelen Här André Bauler. Här Bauler,
Dir hutt d'Wuert.

Rapport de la Commission des Finances et du Budget sur le projet de loi 7839

■ **M. André Bauler (DP), rapporteur.**- Merci, Här
President. Léif Kollegeinnen a Kollegen, ech wollt
fir d'éischt dem Gilles Roth Merci soe fir seng gutt
gemengten Iddi de Moien, fir déi véier Projeten, déi
den Här Finanzminister elo just kommentéiert huet,
virzezién. Merci och lech, Här Minister, dass Der
eis och net béis sidd, dass mer dat esou gemaach
hunnt, dass mer eis do e bësse verselbstännegt ha-
ten.

Dëse Projet de loi schreift sech an eng wichteg Re-
form an, déi zanter Joren um europäesche Plang
verhandelt gouf an déi d'Europäesch Währungs- a
Wirtschaftsunion stärke soll.

Dat hei ass den Aboutissement vu jorelaangen Iw-
werleungen iwwert d'Reform vum Europäesche
Stabilitéitsmechanismus, dem European Stability
Mechanism, eng tëschestaatlech Organisatioun, déi
hei zu Lëtzebuerg hire Sëtz huet.

2015 gouf mam sougenannte „Rapport vun de fën-
nef Präsidenten“ eng Rëtsch Iddien ausgeschafft,
fir d'Eurozon méi resilient, also méi widderstands-
fäeg ze maachen. 2017 ass eng Feuille de route
vun der Europäescher Kommissioun virgestallt
ginn, déi enner anerem d'Iddi ennerstëtzt huet, fir
en Europäesche Währungsfong ze schafen. Déi Re-
form ass zanter 2017 am Eurogroup ausgehandelt
ginn. An esou ass, mat enger liichter Verspéidung
wéinst der Pandemie, Ufank dëses Joers en Accord
fonnt ginn.

De Gesetzesprojet, dee mer elo hei diskutéieren,
huet als Objet an éischter Linn, dësen Accord ze
ratifizéieren. Wat ass an dësem Accord virgesinn?
Dësen Accord ännert den Traité iwwert den ESM
vun 2012 op e puer Punkten of. Dovunner sinn der
véier weesentlech: éischters d'Roll vum Europäe-
sche Stabilitéitsmechanismus. Bei der initialer Kon-
zeptioun vum ESM huet seng Haaptroll doranner
bestanen, fir op de Finanzmäert Suen am Numm
vun de Memberstaate léinen ze goen an dann
deene Memberstaaten dës Sue weiderzeléinen, déi
ee Programme d'assistance financière ugefrot ha-
ten, an dëst natierlech enner strikte Bedéngungen.

Dee ganzen operationelle Volet am Sënn vun der
Negociatioun vun de Konditiounen, dem Suivi vun
der Economie an enger ganzer Rëtsch aneren Ele-
menter ass vun der Europäescher Kommissioun an
der Europäescher Zentralbank an der Zesammen-
aarbecht mam Internationale Währungsfong organi-
séiert ginn.

Vu datt den Europäesche Stabilitéitsmechanismus
d'Organisatioun ass, déi de Memberstaaten d'Sue
léint, ass sech d'Fro gestallt ginn, ob dësen net
beim Aushandelen an dem Suivi vun de Konditiona-
litéiten dobäi misst sinn.

Dat soll dann elo schlussendlech mat der Reform
vum ESM ëngesat ginn. Den ESM soll an Zukunft
Matnegociateur a Matsignataire vun de Memoran-
dums of Understanding an dësem Kontext sinn, wat
säi Rôle am Kader vun den Hëllefprogrammer
stärke wäert.

Deen zweeten Hauptvolet vun der Reform ass
d'Mise en place vum „common backstop“, vum
Fonds de résolution unique. Heirop wäert ech beim
mëndleche Rapport iwwert de Projet de loi 7838
méi am Detail agoen.

Loosst mech awer schonn hei soen, dass de Fonds
de résolution unique 2014 am Kader vun der Ban-
kenunion geschafft gouf. De Fong gëtt vum Ban-

kesecteur selwer gefiddert. Dëse Fong soll dann
asprangen, wann eng Bank misst ofgewéckelt ginn.

D'Iddi derhannert ass déi, fir Situatiounen wéi an der
Finanzkris ze vermeiden, wou de Steierzueler fir
d'Bankerettung huet missen opkommen. Mam sou-
genannte Bail-in sollen, zanter dem Schafe vun der
Bankenunion, an éischter Linn d'Investisseuren,
oder besser gesot d'Acteuren op der Passivsäit
vum Bilan vun enger Bank, bref, déi sollen derfir sel-
wer riichtstoe mussen, dann eréischt, le cas
échéant, de Fong, dee vum Bankesecteur selwer ge-
fiddert gëtt.

Vun Ufank u war kloer, dass de Montant vum Fong
net kéint duergoen, fir senger Roll gerecht ze ginn,
an dass e gemeinsame Filet de sécurité misst ge-
schafe gi fir de Fall, dass de Fong an enger Krisen-
situatioun méi Mëttele bräicht, wat dann elo mat dë-
sem Gesetzesprojet 7838 geschéie soll, also mat
deem geschéie soll, dee mer herno nach traitéieren.

Déi drëtt wichteg Innovatioun betrëfft d'Facilité de
prêt à titre de précaution. Den ESM ka soumat de
Staate Kreditlinnen zur Verfügung stellen, falls dës
a Schwierigkeete geroden. Dat ass en Instrument,
dat dacks vum Internationale Währungsfong benotzt
gëtt. Dëst Instrument huet sech beim IMF, also dem
Internationale Währungsfong, als ganz wierksam
erwisen, fir d'Vertraue vun den Investisseuren ze
stärken, falls et zu enger finanzieller Schiflag
komme sollt. Beim ESM sinn dës Precautionsins-
trumenter schonn 2012 an 2013 geschafft ginn,
awer ni an Usproch geholl ginn. Duerch dës Reform
ginn d'Krittäre präziséiert, fir d'Hüerd, déi verschide
Memberstaate gesinn hunnt, fir dat unzefroen, aus
dem Wee ze raumen.

Dee véierte Volet berout och op den Erfahrungen, déi
an der leschter Scholdekris gemaach goufen. Iw-
wert d'Reform vum Europäesche Stabilitéitsmecha-
nismus, dem ESM, ginn d'Memberstaaten dozou
opgeruff, bei hire Staatsobligatiounen d'Modalités
de vote bei der Restrukturierung vun der Schold ze
vereinfachen. Méi genee soll am Fall vun enger
Restrukturierung an Zukunft vermidde ginn, dass e
puer Creancier en ganze Restrukturierungsplang
blockéiere kënnen.

Dat zu de véier Haaptelementer, déi iwwert déi
lescht Jore fir dës Reform verhandelt goufen an déi
duerch den Accord vun de Memberstaaten of-
geseent gi sinn. Ze notéieren ass, dass dës eréischt
dann ëngesat kënnen ginn, wann d'Parlamentar aus
den 19 Eurozon-Memberstaaten dësen Accord eebe
ratifizéiert hunnt.

En zweet Element aus dësem Gesetzesprojet ass
och eng Innovatioun, déi mer begleet wëllen. Den
ESM emettéiert zanter dem Brexit seng Obligatiou-
nen no Lëtzeburger Recht. An der Vergaangenheet
goufen dës Emissiounen éischter no engleschem
Recht gemaach. Vill international Organisatiounen
sinn, wéi gesot, wéinst dem Brexit op de Wee gaan-
gen, fir d'Lëtzeburger Recht ze notzen. Dozou ge-
héieren den ESM, awer och déi Europäesch Kom-
missioun, déi rezenteweis hir Obligatioun fir den
NextGenerationEU enner Lëtzeburger Recht emet-
téiert huet.

Interessant ass, dass den Europäesche Stabilitéits-
mechanismus am Fall vum Hëllefplang fir Spue-
nien eng Operatioun gemaach huet, déi eis national
Gesetzgebung net ganz kloer virgesäit. An dësem
Fall hat den ESM Obligatiounen erausginn, ouni se
direkt op d'Finanzmäert ze setzen, mee se direkt de
Banken iwwerginn, fir d'Banken ze rekaptaliséieren;
e klengen Zongebriecher. Dat ass enner engles-
chem Recht méiglech. Dat ass eng ganz effikass
Prozedur, déi et erméiglecht, ganz séier ze hande-
len. Bei Bankekrisen ass dat vu grousser Wichteg-
keet, wéi Der wësst, vu datt do an enger Nuecht
oder iwwer e Weekend eng Bank muss gerett ginn a
keng Zäit do ass, fir op de Finanzmäert Sue léinen
ze goen an dës Suen an d'Bank weiderzeginn.

Eis Gesetzgebung ass den Ament, wéi gesot, net
ganz kloer, ob se esou Obligatiounen zouléisst oder
net. Mam Artikel 2 vum Gesetzesprojet gëtt kloer-
gestallt, dass Obligatiounen vum ESM emettéiert
kënnen ginn, déi net direkt un en Investisseur ginn.
Et gëtt och festgehalten, dass dës Titren existéieren
an och cotéiert kéinte ginn.

Léif alleguer, Här President, de Staatsrot huet säin
Avis den 29. Juni 2021 formuléiert. Et ass zu ken-
ger formeller Oppositioun komm. Déi héich Kierper-
schaft notéiert awer, dass den Artikel 2 vum Geset-
zesprojet muss ëmformuléiert ginn, fir ze evitéie-
ren, dass den Androck entstoe kéint, dass de Geset-
zesprojet d'Pouvoir vum Europäesche Stabilitéits-
mechanismus bestëmmen géif. Dëser Propositioun
ass d'Finanz- a Budgetkommissioun nokomm.


D'Handelskummer huet hiren Avis och den 29. Juni
erausginn. Si begréisst de Gesetzesprojet aus-
drécklech, deen d'Roll vum ESM am Europäesche
Finanzsystem stäerkt an d'Eurozon méi resilient
maache wäert.

Här President, et handelt sech, wéi gesot, ëm en ex-
treem wichtige Gesetzesprojet fir Europa an och fir
Lëtzebuerg, fir deen ech selbstverständlech am
Numm vun der DP-Fraktioun den Accord ginn.

De Petitiounssite vun der Chamber

Start Är eege Petitioun
oder ennerstëtzt aner Petitiounen
mat Ärer Ennerschrëft op
www.petitions.lu.

Et ginn zwou Zorte
vu Petitiounen:
d'Pétitions publiques an
d'Pétitions ordinaires.





Chambre des Députés

Compte rendu officiel

Supplément commun aux quotidiens :
Luxemburger Wort, Tageblatt, Zeitung vum Lëtzebuerger Vollek

Contenu rédactionnel :
Service du compte rendu de la Chambre des Députés
Service des relations publiques de la Chambre des Députés
Tél. 466 966-1

Saisie de texte :
Espace Médias SA, Esch-sur-Alzette

Conception et mise en page :
Espace Médias SA, Esch-sur-Alzette

Concept et coordination générale :
brain&more, agence en communication, Luxembourg

Imprimeries :
Mediahuis Luxembourg SA
60, rue des Bruyères
L-1274 Howald

Editpress SA
Belval Plaza, 7, avenue du Rock'n'Roll
L-4361 Esch-sur-Alzette

Wann Der dann erlaabt, Här President, da géif ech deen anere Projet och virstellen, well mer dat jo am Set, am Package wollte maachen. Ech gesinn en hannert mer wénken. Dann därft ech.

■ **M. Fernand Etgen, Président.**- Här Bauler, Dir därft.

Rapport de la Commission des Finances et du Budget sur le projet de loi 7838

■ **M. André Bauler (DP), rapporteur.**- Ma da sinn ech berouegt. Merci, Här President.

Léif alleguer, och bei dësem Gesetzesprojet geet et drëm, fir en tëschestaatlecht Ofkommen guttzeheeschen, an dat och am Kader vum Europäesche Stabilitéitsmechanismus. Et handelt sech ëm den Accord modificateur vum Accord vun 2014 iwwert den Transfert an d'Mutualisatioun vun de Bäiträg zum Ofwécklungsfong. Ier ech op d'Changementer selwer aginn, erlaabt mer, e puer Wieder iwwert de Kontext ze soen.

En eenheetlechen Ofwécklungsfong, „fonds de résolution unique“ op Franséisch oder „Single Resolution Fund“ op Englesch - ech hunn dann emol versicht, dat an der Kommissioun och op Lëtzebuergesch ze formuléieren -, ass deemools am Kader vun der Bankenunioun geschaaft ginn, fir sécherzestellen, datt systeemrelevant Banken am Fall vun enger Defaillance ouni respektiv mat ganz minime Käschte fir de Steuerzueler a fir d'Realwirtschaft kënnen ofgewéckelt ginn.

Dëse Fong besteet aus de Bäiträg, déi vun de Banken iwwer en Zäitraum vun aacht Joer, zanter 2016 an nach bis Dezember 2023, bei hiren nationalen Autoritéiten hannerluecht musse ginn, bei eis zu Lëtzebuerg, also bei der CSSF, der Commission de surveillance du secteur financier. De Montant, dee bis Enn 2023 zesummekomme soll, ass op 1 % vun de gedeckten Depote fixéiert ginn. Dat entsprécht, no den aktuellen Erwaardungen, ongeféier 70 bis 75 Milliarden Euro an der Bankenunioun.

A méi wéi d'Hallschent dovunner ass och schonn zanter 2016 agespeist ginn. Aktuell si mer effektiv bei zirka 52 Milliarden Euro. Dës 52 Milliarden Euro sinn awer nach net integral mutualiséiert, mee gi bis 2023 graduell aus den nationale Kompartimenter an e gemeinsaamt europäescht Kompartiment iwwerdroen.

De Vertrag, deen heimat ofgeännert gëtt, leet also fest, ënner wéi enge Modalitéiten dës Transferte während der Transitionphasen stattfanne sollen. E bestëmmt och d'Reiefolleg, gemeiss där déi disponibel Ressourcë mobiliséiert ginn am Fall, wou d'Käschte vun enger Banknofwécklung gedeckt misste ginn. Dës Modalitéite gi mat dësem Accord liicht ugepasst, fir déi am viregte Gesetzesprojet ernimmten nei Kreditlinn, de Backstop, och scho während deenen zwee verbleiwende Jore vun der Transitionphasen ze operationaliséieren a soumat déi fréizäiteg Aféierung ze erméiglechen.

D'Wichtigkeet vum Backstop besteet doranner, datt mat deem Filet de sécurité vermidde ka ginn, datt am Fall, wou eng gréisser Banknofwécklung stattfännt, bei där de Fong asprange muss a soumat de Fong eidel oder bal eidel kéint ginn, keng Mëttel méi do wieren, fir bei enger weiderer Ofwécklung anzesprangen. Well kommt, mir huelen emol de Fall, datt no enger Ofwécklung scho kuerz

duerno eng zweet oder souguer eng drëtt Bank a Schwieregkeete geréit an ofgewéckelt misst ginn: Och wann an dësem Fall virgesinn ass, datt d'Banke gezwonge kënnen ginn, fir aussergewéinlech Contributiounen ze maachen, kann et an der Praxis passéieren, datt dës Contributiounen net matzäit verfügbar sinn, da kann de Fong deen Ament d'Garantie vum betroffene Memberstaat an Usproch huelen. Vu datt dës Garantie elo europäesch gëtt, musse sen och déi aussergewéinlech Contributiounen mutualiséiert ginn.

D'Moosnamen am Vertrag sinn also extreem cibléiert an dorop begrenzt, fir d'Mutualisatioun vun de Konditiounen esou unzepassen, datt de Fong den ESM via d'Contributiounen vun de Banken aus der ganzer Bankenunioun zrëckbezuuele kann. De Risiko, datt d'Faillite, d'Ofwéckele vun enger Bank déi budgetär Situatioun vum betroffene Memberstaat impaktéiere kann, gëtt also heimat staark, ganz staark limitéiert.

Konkreet heescht dat, datt dem Fong op eng budgetär neutral Manéier iwwer 100 Milliarden Euro zur Verfügung stoe wäerten. Dat ass e Montant, dee kaum e Staat aleng ouni europäesch Léisung fir Ofwécklungszwecker opbrénge kéint. Et ass also e weidere wichtige Schrëtt fir d'Stabilitéit vun der Bankenunioun an och vun eiser Finanzplaz.

Här President, Léif alleguer, de Staatsrot huet säin Avis den 29. Juni 2021 ofginn. Hien huet keng Observatiounen ze maache gehat an huet och domat den Accord zu dësem Projet ginn.

D'Handelskummer begrüsst ausdrécklech déi virgezunne Mise en place vum Backstop, deen et erlabe wäert, fir d'Kreditabilitéit an déi finanziell Soliditéit vum Fonds de résolution unique, dem eenheetlechen Ofwécklungsfong also, ze stäerken.

Dat gesot, bleift mer nach just, fir lech Merci ze soen, fir mir bei dësem Marathon haut vu sechs Gesetzesprojeten nogelasschert ze hunn. An ech ginn natierlech och hei am Numm vun der DP-Fraktioun den Accord fir dëse Gesetzesprojet.

Ech profitéiere vun der Geleeënheet, fir all deenen, déi bei der Ausschaffung vun dësen Texter eng Hand mat ugepaakt hunn op déi eng oder aner Manéier, Merci ze soen. Um Enn vun deene Rieden alleguer soen ech de Membre vun der Cofibu Merci fir hir Opmierksamkeet bezéiungsweis hiert allzäit freedegt an äerdeg Matschaffen an der Kommissioun an all deene leschte Wochen a Méint, wou mer méi wéi ee Mount haten, deen een als Heemount bezeechne kann. Merci awer och a grad de Beamten aus dem Finanzministère, aus der Chambersverwaltung an aus menger Fraktioun, déi un all dësen Aarbechte bedeelegt waren. Hinnen gëllt eis Unerkennung fir hire Fläiss an hir Kompetenz an dësen dach ganz dacks, géif ech soen, séier komplizéierte Projeten.

Merci.

■ **M. Fernand Etgen, Président.**- An ech soen dem Här Rapporteur André Bauler Merci fir déi zwee Rapporten a ginn d'Wuert un den éischten ageschriwwene Riedner, den honorabelen Här Laurent Mosar.

Discussion générale

■ **M. Laurent Mosar (CSV).**- Jo, Här President, an ech géif mat engem ganz grouse Merci ufänken un eise Rapporteur André Bauler. Ech zéie wierklech haut den Hutt virun enger bal, kann ee soen, exzeptioneller Leeschtung; sechs Rapporten, an net déi einfachst, ganz komplizéierter, och ganz wichtiger. En huet dat hei mat där vun him bekannter Akribie gemaach. En huet dat op eng ganz, ganz kompetent Manéier gemaach. An ech mengen, mir sinn him haut wierklech e ganz extrae Merci schëlleg fir déi Leeschtung, déi en hei bruecht huet.

Här President, iwwert de Stabilitéitsmechanismus ganz besonnesch, mee och iwwert de Fonds de résolution, wär sécherlech ganz vill ze soen. Ech maachen dat den Owend awer net, éischstens, well de Rapporteur eigentlech am Detail de Fonctionnement dovunner erkläert huet, an zweetens och aus Respekt virun lech allegueren. Et war e laangen Dag gëschter, et ass e laangen Dag haut. An ech mengen, et mécht elo wierklech net all Sënn, nach eng kéier an den Detail ze goen. Dat wäerte mer sécherlech och bei enger nächster Geleeënheet eng kéier kënnen maachen.

Ech wollt awer just zwee ganz kuerz Punkten hei eraussträichen. Deen éischten ass: Ech wär nawell frou, vum Här Finanzminister den Etat vun där Ratifikationsprozedur ze héieren, well contrairement zu Lëtzebuerg, wou dat dote keng grouss Diskussioun wäert sinn - ech mengen, dat wäerte mer herno mat där néideger Majoritéit stëmmen -, ass dat net esou an anere Länner. Notamment an eise Nopeschland Däitschland ass dat vill méi schwierig, well do zum Deel Verfassungsbeschwerden unhängeg sinn. Ech mengen, och an anere Länner ass dat weesentlech méi schwierig. An duerfir wär ech vläicht frou, wann de Finanzminister eis kéint soen: Wou si mer am Moment drun? Wat fir Länner hu ratifizéiert, wat fir eng net? Wann en eis elo

direkt d'Froen net ka beäntwerthen, kann en dat och gär nach eng kéier nohuelen.

An deen zweete Punkt, dat wär éischer eng Suggestioun un eise President vun der Cofibu an un all d'Membere vun der Cofibu. Ech géif eigentlech proposéieren, datt mer eng kéier géifen d'ESM besiche goen. Dat ass eng vun deenen allerwichtigsten Institutiounen. Ech weess, wéi ech selwer Chamberspräsident war, ware mer ganz am Ufank eng kéier déi Institutioun besichen, an ech fannen et eigentlech schued, datt mer dat elo an deene leschte Méint a Joren net méi gemaach hunn. Duerfir vläicht den Appell, well et wär och emol eng kéier interessant, mat deene Leit do ze schwätzen. An ech weess, datt ganz vill auslännesch Parlamentarier heihinnerkommen, fir Visitten ze maachen a fir sech do och de Fonctionnement vum ESM erklären ze loosse. Duerfir vläicht déi Proposition, Här President, no der Vakanz wär dat vläicht ganz flott, eis dat eng kéier ukucken ze goen.

Dat gesot bréngen ech heimat den Accord vu menger Fraktioun. Ech soen lech Merci.

■ **M. Fernand Etgen, Président.**- Merci villmools, Här Mosar. An da ginn ech d'Wuert weider un den honorabelen Här Claude Haagen.

■ **M. Claude Haagen (LSAP).**- Jo, merci, Här President. Merci och dem Rapporteur fir säin ausféierleche schrëftlechen a mëndleche Rapport.

Ech wëll vun der Geleeënheet profitéieren, fir vläicht zwou Iwwerleeunge mat op de Wee ze ginn an och zwou Froen un de Finanzminister ze stellen. Éischstens denken ech, ass et vläicht haut un der Zäit, fir laangfristeg och dem ESM eng méi sozial Reformorientatioun ze ginn. An ech froe ganz einfach, ob schonn Iwwerleeungen do sinn, fir d'Successioun oder de Successeur vun der Reform vum europäesche Programm SURE an Zukunft iwwert d'ESM ze organiséieren, ob dat schonn ugeschwat ginn ass, ob do Iwwerleeungen do sinn.

An eng lescht Iwwerleeung a Fro: Wat eis e bësse Suerge mécht, dat ass, datt, loosse mer soen, ronderëm déi traditionell Bankaktivitéiten Aktivitéite sinn, déi net méi ënner Basel III an déi Reegele fallen. Ech schwätze vun der Intermediation bancaire, zum Beispill iwwert d'„shadow banks“. Wéi gesitt Der do d'Evolution, wat dat Ganzt ubelaangt? Ech denken, mir sollten dat e bëssen am A behalen.

Zum Schluss wëll ech den Accord vun der LSAP zu deenen zwee Projet-de-loie ginn, well se natierlech d'Eurozon méi resilient maachen an och d'europäesch Integratioun, wouzou och déi zwee Projet-de-loie bäidroen.

Merci.

■ **M. Fernand Etgen, Président.**- Merci villmools, Här Haagen. An da wär et un där honorabeler Madamm Josée Lorsché, ...

(Interruption)

... pardon, un deem honorabelen Här François Benoy. Här Benoy, Dir hutt d'Wuert.

■ **M. François Benoy (déi gréng).**- Jo, villmools merci, Här President. Engersäits stärke mer mat deenen heite Projeten d'Europäesch Bankenunioun, awer och de Stabilitéitsmechanismus, fir dass, wéi et och gesot ginn ass, bei enger nächster Kris net méi d'Steuerzueler, mee d'Banke selwer hei fir d'Rechnung mussen opkommen. Anerersäits stelle mer den europäesche Stabilisatiounsmechanismus besser op, wat d'Gestioun an och d'Preventioun vu Krisen ugeet.

Bon, generell menge mir, dass trotzdeem nach e wäite Wee ze goen ass fir eng méi staark ekonomesch an och monetär Unioun. A mir hu jo och gemierkt, dass et immens wichtig ass, dass mer eis do besser opstellen, och grad an der Preventioun vun nächste Krisen, fir do méi resilient ze ginn.

Do vläicht just zwou Remarque vun eiser Säit. Engersäits kéinten d'Decisionsprozesser méi demokratiesch opgestallt ginn. D'Fro ass hei, wéi een d'Europäescht Parlament méi staark abanne kann. An dann d'Fro natierlech vun der Konditionalitéit bei Aiden. Et därft natierlech net sinn, dass Hëllef gekoppelt ass un Austeritéitspolitik. Dat gouf et, et gi Beispiller aus der Vergaangenheet, déi et esou gouf. Mee dat war op jidde Fall net gutt esou. A mir hunn an der Covidkris jo gemierkt, dass mer eebe grad e staarke Sozialstaat brauchen, fir derduerchzekommen.

Mee fir awer mat enger positiver Nott eeben opzehalen: Eigentlech huet een an där heiter Kris jo gemierkt, dass mer eng positiv Dynamik haten, wat eng weider europäesch Integratioun ugeet, och grad op dem Niveau vun der Wirtschaftsunioun oder respektiv och bei dem Relanceplang, wou jo gemeinsam Scholde gemaach gi sinn, eebe fir eng gewësse Solidaritéit ze hu bei allegueren de Memberstaaten.

An an deem Sënn géif ech fir déi zwee Projeten hei den Accord gi vun der grénger Fraktioun.

■ **M. Fernand Etgen, Président.**- Merci villmools, Här François Benoy. An da wier et um honorabelen Här Fernand Kartheiser.

■ **M. Fernand Kartheiser (ADR).**- Här President, villmools merci. Et gëtt op d'mannst zwee Grënn, firwat mer eigentlech dës Accorde sollte stëmmen. Dat Éischt ass, dass de Stabilitéitsmechanismus hei zu Lëtzebuerg ass. An deen zweeten ass déi exzellent Ried vum André Bauler, deen och hei nei Lëtzebuerger Wieder geschaf huet, wat den Ofwécklungsfong ugeet, an et kann een en dofir wierklech nëmme luewen.

Et gëtt awer och eng Rei Bedenken an ech wëll déi awer och hei soen. An aus deene Grënn, aus deene Bedenken, déi ech hei wëll kuerz uschwätzen, wäerte mir déi zwee Projeten awer net matstëmmen als ADR.

Deen éischte Grond ass, datt et eng Konstruktioun ass, déi ëmmer manner lisibel ass, institutionell net duerchsichteg, an zwar tëschent dem Stabilitéitsmechanismus, der Eurozon an der EU. Do gëtt et ewell esou vill komplex Brécken an Iwwerschneidungen, datt et net méi ganz kloer ass, wou wéi eng Kompetenz leien. Déi Ried, déi elo vun deene grénge Kollege gehale gouf, weist dat. Et gëtt keng europaparlamentaesch Kompetenz fir de Stabilitéitsmechanismus, deen eng intergouvernemental Institutioun ass, et gëtt keen Eurozoneparlament. Am Kader vun der EU gëtt et natierlech en Europäescht Parlament mat gewësse Kompetenzen. Awer et muss een eeben oppassen! Wou leien d'Kompetenzen? Bei wéi enger Institutioun? A beim ESM ass et natierlech esou, datt déi nationalstaatlech Parlamenten do hire Rôle ze spillen hunn.

Eng zweet Iwwerleeung, niewent där vun där mangelnder Lisibilitéit, géif ech soen, ass awer de Souveränitéitsverloscht, och bei enger intergouvernementaler Institutioun, wéi den ESM eng ass, well zum Beispill bei den Noutdispositionen eng 85 %-Reegel agefouert gëtt. Mir als ADR denken, datt an enger Noutsituatioun ee sech och soll kënnen op d'Staaten an hir Solidaritéit verloschen. Dat ass ëmmer en Zeeche vu Mësstrauen tëschent Staaten, wat vläicht ka begrënnt sinn, awer et ass net gutt fir eng Institutioun, wann dat scho vu vireran ageplangt gëtt. Mir brauchen e Vertrauensklima an Europa. An dofir steet de Prinzip vun der Eestëmmegeet fir eis eigentlech ni zur Disposition.

Eng drëtt Iwwerleeung ass awer och déi, wat den Effekt ass, wann een en Ofwécklungsfong huet oder, wéi elo, en ekonomeschen Neistartfong no der Covidkris, wou eng gemeinsam Verschëldung opgebaut gëtt. Et muss een ëmmer wëssen, wat een do mécht. U sech hält een d'Verantwortung vun deenen ewech, déi schlecht geréieren, ob dat elo eng Bank ass, wou eng Vergesellschaftung vum Risiko geschitt, eng Vergesellschaftung net nëmme am soziale Sënn, mee och nach op aner Länner an op aner Finanzplazen. Dat muss ee wëssen. An dat ass eppes, wat mir am Prinzip net gutt fannen. Ech menge schonn, datt och e Banquier muss d'Responsabilitéit vu senger Gestioun kënnen droen.

Mee do komme mer an déi Problematik e bëssen era vum „too big to fail“. An dat ass eng, déi eis e politeschen Dilemma causéiert. Awer prinzipiell soe mir: „Wien den ekonomesche Benefiss kann hunn, muss och den ekonomesche Risiko kënnen droen!“ Awer et gëtt eng Rei Problemer, déi och zu dësen Entwécklungen, wéi engem Ofwécklungsfong, dann zum Beispill gefouert hunn.

Mee deen Ofwécklungsfong liest een dann zesumme mat deem Fonds de relance, vum ekonomeschen Neistart. An och do ass eigentlech de Ratio derhannert, datt et einfach Staaten an Europa gëtt, déi manner gutt kënnen mat de Suen ëmgoe wéi aner. Dat ass einfach esou.

A warscheinlech ass ee vun deenen Hauptproblemer, déi mer an der Eurozon an der EU ëmmer erëm wäerten an deenen nächste Jore begéinen, a warscheinlech ëmmer méi schlëmm, deen, datt mer en Nord-Süd-Clivage kréien an datt mer doduerch dauernd Tensiounen opbauen.

Dat, wat elo ausgesäit wéi eng gutt Iddi, fir eng Relance, eng Solidaritéit an Europa ze kréieren, eng gemeinsam Verschëldung, ass warscheinlech eng vun deenen Ursaachen, firwat d'Europäesch Unioun an deenen nächste Joren ëmmer méi wäert a graveierend Krisen erageroden. Mir sollte kucken, datt mer do erauskommen, datt mer d'Weiche stelle fir eng Eegeverantwortung vun de Staaten a vun deene groussen Entreprisë fir hir Gestioun, amplaz eis op eng Manéier ze verstrécken, déi eis mat kann an e Strudel eroffrappen, wou mer net higeiéieren an dee mer och net wëllen, och aus Verantwortung, déi mir eeben als nationalstaatlecht Parlament géintiwuer eise Bierger wouerzehuelen hunn.

Dat just als e puer Wieder. Den Här Mosar huet scho mat Recht gesot: „Et ass spët. Mir kënnen net op alles agoen.“ Et wär awer derwäert, déi eenzel Aspekter méi ze belichten. Dat maache mer haut net. Mir kréie bestëmmt nach aner Geleeënheeten. Mee Dir verstitt, datt mir aus all deenen Iwwerleeungen éischer retizent sinn an dës zwee Gesetzer net wäerte matstëmmen.



Ech soen lech Merci.

■ **M. Fernand Etgen, Président.**- Merci villmools, Här Kartheiser. An de leschten ageschriwwene Riedner ass den honorabelen Här Sven Clement.

■ **M. Sven Clement (Piraten).**- Merci, Här President. Léif Kolleeginnen a Kolleegen, ech profitéieren dann och direkt dervunner, dem Rapportier Merci ze soe fir déi sechs Rapporten, déi en haut hei presentéiert huet, sechs ausgezeechent schrëftlech, awer och mëndlech Rapporten.

Ech schwätzen och direkt zu deenen zwee Projeten, dann erspuere mer eis, datt ech nach eng kéier muss à charge kommen.

Här President, léif Kolleeginnen a Kolleegen, mat dësen zwee Gesetzesprojete soll d'Parlament eng Ofännerung engersäits vum Fonds de résolution, dem FRU, a vum Mécanisme européen de stabilité, oder kuerz ESM, unhuelen.

Dësen ESM ass jo zanter 2012 a Kraaft a gouf schonn am Kader vun der Eurokris agesat. Notament Griicheland, Spuenien, Irland a Portugal hu scho vun dësem Mechanismus „profitéiert“. Firwat soen ech dat esou? Ma well déi Länner, déi deemools Geld aus dem Stabilitéitsmechanismus kruten, alles anescht wéi „profitéiert“ hu vun dëser Situatioun. Länner wéi Griicheland hu bekannterweis misse ganz grav Aschnëtter an hire soziale Systemer virhuelen, fir déi sougenannten „Hëllef“ ze kréien. D'Austeritéitspolitik, déi dës Länner vun aneren EU-Memberen opgezwoonge krut, huet an dës Länner vill Schued ugeriicht. D'TVA gouf a Griicheland op 23 % erhéicht, de Pensionsalter gouf gehéicht an et gouf en neie Plaffong fir d'Pensionéiert agefouert. Maximal 2.300 Euro Pensioun huet de griichesche Bierger nach zegutt.

Wann ee bedenkt, wéi héich de Chômage virun allem bei deene Jonke war an dass d'Famill d'Pensiounen vun den Eltere respektiv de Grousseltere gebraucht huet, fir iwwerhaapt nach duerch de Mount ze kommen, da war dëst eng Sozialkris, déi d'EU an den FMI ze verantworten haten. De Chef vun der BCE sot deemools, datt d'Länner an der Eurozon, déi sech net un d'Stabiliséierungskriterien halen an déi dowéinst eng kéier missten op Geld aus dem ESM zrëckgräifen, missten ënner eng Tutelle financière gestallt ginn. Eng änlech Sprooch huet een och haut hei héieren. Ech wëll net weider drop agoen. Ech fannen dat ganz, ganz schrecklech, well esou Aussoe schockéieren, well se en immensen Agrëff an d'Souveränitéit vun engem Land duerstellen! Mir Piraten fannen, datt d'Budgetpolitik eng reng Kompetenz vun den nationale Parlamenten ass an och bleiwe soll.

En anere Punkt, op deem een den ESM muss kritiséieren, ass, dass dësen nëmmen indirekt un d'EU gebonnen ass. Et handelt sech weeder ëm eng europäesch Institutioun nach ëm eng europäesch Agence. D'Europaparlament huet also zum Beispill guer keen Afloss op d'Entscheidung vum ESM, an dat, obwuel d'EU-Deputéiert déi eenzeg op deem Niveau direkt vum Vollek gewielte Vertrieder sinn.

Duerch d'Ännerungen, déi dëst Joer beschloss goufen, soll den ESM da méi Muecht kréien. E soll net nëmme méi einfach Gelder zur Verfügung stellen, mee e soll mat der EU-Kommissioun eng Evaluatioun maachen, wéi eng effikass a stabil Governance ausagesinn huet. Den ESM a säi Conseil de directeurs kontrolléieren dann och de Respekt vun de Mesuren, déi engem Memberstaat géifen operluecht ginn.

Während dëser sanitärer Kris huet de Stabilitéitsmechanismus de Memberlänner Präten ugebueden. Bis elo huet awer kee Land vun dëser Méiglechkeet profitéiert, dëst, obwuel de Prêt dës kéier u keng Konditiounen gebonne war. Firwat? Well Länner wéi Italie ganz schlecht Erfarunge mam ESM gemaach hunn an derfir gekämpft hunn, fir eebe grad keng Präten, mee richteg Hëllef vum der EU ze kréien. D'Memberlänner hunn eebe kee Vertraue méi an dësen Outil. Dat soll eis all ze denke ginn. An et weist, datt den ESM misst grondleeënd reforméiert ginn. E misst eng EU-Institutioun ginn a vum Parlament kënnen kontrolléiert ginn.

Här President, d'Piraten hoffen, datt kee Land méi muss op Geld aus dem ESM zrëckgräifen. A falls et awer an Zukunft zu weidere Krise sollt kommen an d'Memberlänner op Hëllef ugewise sinn, dierfe mer net d'Feeler aus der Eurokris nach eng kéier widderhuelen.

Austeritéitspolitik a Krisenzäiten ass dee falsche Wee. Austeritéitspolitik a Krisenzäite kann e groussen Deel vun der Gesellschaft an Aarmut stierzen. Mir Piraten sti fir e méi transparent an demokratéiert Europa. An den ESM a senger jëtzege Form gehéiert fir eis do net derzou. An dofir wäerte mir eis och haut beim Volet ESM enthalten.

Elo dann also och nach zur Ofännerung, zum Accord vum Fonds de résolution. No der Kris vun 2008 gouf jo dësen Outil geschaf, fir ze verhënneren, datt et zu weidere Faillitte vu sougenannte „systemrelevante“ Finanzinstituter ka kommen. Dës sougenannten „too big to fail“-Banke si virun allem

dem ze labbere legale Kader geschëlt gewiescht, dee virun der Kris a verschiddenen Dealer, awer och nach no der Kris an deenen Dealer bestanen huet. D'Banke sinn haut relativ gutt encadréiert an hunn an deene leschte Jore ganz vill an d'Compliance mussen investéieren. Aner, manner duerchsichteg Finanzinstituter erfüllen dës Standarden nach net.

Mir Piraten haten no der Kris eng onofhängeg Iwwerprüfung vun de Rettungsmaassnamen fir Finanzinstituter gefrot, well eiser Meenung no hätten d'Banken, déi gerett hu misse ginn, nach méi staark an d'Verantwortung misse gezu ginn. Et ass ze ontransparent mat dëse Gelder ëmgaange ginn, déi jo awer finalement dem Steierzueler gehéiert hunn.

Mat dëser Ännerung soll jo awer an d'Zukunft gekuckt ginn an dofir wëll ech dann elo kuerz op d'Ännerungen ze schwätze kommen. Elo soll jo zum Beispill e Common-Backstop-System agefouert ginn. Doduerch kënnen gemeinsam Kreditter mat Garantie vum ESM duerch den FRU, also de Fonds de résolution unique, un d'Länner an hir Banke gi ginn.

Duerch d'Covidkris soll de Backstop elo schonn ufanks 2022 a Kraaft trieden. 55 Milliarden Euro sinn dofir scho gesammelt ginn. Duerch dëst neit Sécherheetsnetz sollen d'Banken am Noutfall kënnen opgefaange ginn. Dës Milliarde kommen da jo och net méi aus der Täsch vum Steierzueler, mee goufen elo scho säit Jore vun de Banke selwer abezuelet. Am Fall, wou eng Bank, och ënnert der Tutelle vum FRU, seng Finanzen net méi ka kitten a virun der Faillite steet, muss innerhalb vun engem Dag eng Entscheidung getraff ginn, wéi d'Bank soll gerett ginn.

Här President, doduerch, datt den FRU mat Gelder vun de Banke selwer opgestallt gouf, an doduerch, datt mer 2008 bei de Lehman Brothers gesinn hunn, datt mer verschidde Banken a Krisenzäiten einfach net méi kënnen sech selwer iwwerloossen, kënnen mir Piraten mat dësem Projet hei averstane sinn.

De beschte Wee, fir ze verhënneren, datt awer dës Suen eng kéier mussen zum Asaz kommen, ass definitiv, fir weider op kloer Gesetzer a Compliance ze setzen. Fäll wéi dee vu Wirecard an Däitschland, awer och rezent CYBERServices zu Lëtzebuerg weisen nämlech, datt et och nach ëmmer Lächer an de Sécherheetsnetzer gëtt an datt um Terrain nach laang net alles esou fonctionéiert, wéi et sollt.

Blannt Vertrauen a Wirtschaftspréier féiert heiansdo derzou, datt ee verlooss ass, datt d'Suen awer vläicht futsch sinn, datt iergendeen awer mat de Suen duerch d'Bascht ass. A genau da brauche mer eng Méiglechkeet, fir eebe Banken ze retten, fir datt d'Clients net herno am Ree stoe gelooss ginn. Ech mengen, vum Reen hu mer haut jo méi wéi genuch matkritt.

Dat gesot, léif Kolleeginnen a Kolleegen, nach eng kéier: Zum ESM wäerte mir eis enthalten an zum FRU kënnen mer eisen Accord ginn. Ech soen lech Merci.

■ **M. Fernand Etgen, Président.**- Merci villmools, Här Clement.

D'Regierung huet d'Wuert, den Här Finanzminister Pierre Gramegna.

Prise de position du Gouvernement

■ **M. Pierre Gramegna, Ministre des Finances.**- Merci, Här President, Dir Dammen an Dir Hären Deputéiert, merci och zu dëser spéider Stonn fir all déi Kommentaren, déi ganz interessant sinn. Ech wäert e bëssen drop agoen, mee wann ech misst méi am Detail drop agoen, da wäre mer nach laang amgaangen.

Merci un den Här Bauler fir déi Marathon-Sessioun vun haut. Awer ech muss och soen, dass d'Verhandlung fir den ESM och eng Marathon-Sessioun war, well mir hu véier, fënnef Joer drop geschafft.

Fir d'éischt emol, mengen ech, ass et wichteg, e bëssen an d'Zäit zrëckzekucken, wat alles geschitt ass. 2010 ass den EFSF geschaf ginn. Dat war en fait eng Ligne de crédit, Suen, déi zur Verfügung gestallt gi sinn, an 2012 ass den ESM geschafe ginn.

Et ass keng richteg Institutioun vum europäesche Kader, et ass eppes Intergouvernementales. An et muss ee vläicht dat ëmmer nach am Kapp behalen, firwat dass et esou ass. Herno kommen ech nach méi drop ze schwätzen.

Mee et ass jo gutt, dass ee wëllt solidaresch sinn. Verschiddener hei hu jo gesot, dass dat an der Kris vun 2008 an 2009 an de Konsequenzen, bis d'Kris vum Euro 2015 mat Griichenland, hätt misse mat engem méi groussen Solidaritéitsgeescht sinn. Mee et dierf een awer och net vergiessen, dass vläicht verschidde Länner jo net wëlle fir d'lërtemer vun anere bezuelen. Ech mengen, dat hunn ech haut nach net hei héieren, mee dat erkläert viles. Ech kommen nach drop zrëck.

An den ESM hat eng Panoplie vu Moyenen, déi dann och agesat gi sinn. Den ESM huet e Kapital vu 700 Milliarden Euro, wouvun nëmmen en Deel liberéiert ass. Dat mécht fir Lëtzebuerg 0,25 % aus, dat wären 1,7 Milliarden. Mee nëmmen 200 Milliounen sinn

abezuelet, esou wéi déi aner Länner och nëmmen en Deel abezuelet hunn.

Dat ass natierlech e Firepower, wéi een dat op Englesch nennt, deen awer relativ grouss ass an dee vill kann hëllefen. Den ESM huet an deene Programmer mat Spuenien, Zypern, Portugal, Irland a Griichenland bal 300 Milliarde mobiliséiert.

An der Kris, déi mer elo d'lescht Joer haten - dat war eng Wirtschaftskris an do ware jo och Besseren do -, hu mer an der Nuecht vum 9. Abrëll als Finanzministeren dräi Mesurë geholl. Eng vun deene war mam ESM verbonnen. Ech kommen dorop ze schwätzen. Déi aner zwou waren eemol de SURE-Programm an deen aneren, dat waren 200 Milliarden, déi d'BEI mobiliséiert huet, fir Cautionementer bei PMEen ze maachen. An deen drëtten Volet war: Den ESM huet 240 Milliarde bereetgestallt, fir dass ouni Konditiounen déi Länner, déi et géife brauchen, déi kéinten ophuelen.

Et ass richtegerweis gesot ginn: „Dat Geld ass net gebraucht ginn!“ Mee dat Geld ass net gebraucht ginn, net well dat keng gutt Iddi war, dat Geld ass net gebraucht ginn, well d'Europäesch Zentralbank esou eng liberal an esou niddreg Zënspolitik gemaach huet, dass et fir d'Länner alleguerte méiglech war, sech op de Marchéen ze finanzéieren.

Mee de Fait, dass den ESM 240 Milliarde bereetgestallt huet ouni Konditiounen, huet d'Confiance op de Marchéen immens gestärkt. Ech mengen, dat dierf een net vergiessen.

Ech ginn elo net ze vill an den Detail an, well de mëndleche Bericht vum Deputéierten André Bauler huet wierklech dat Essenziell gesot. Awer nach just an e puer Sätz: Et geet en fait drëms, d'Arsenal vun de Moyene vum ESM ze stäerken. En ass, wann dat heite bis gestëmmt ass hei an och an deenen anere Länner, eng Institutioun, déi da vill méi kann agräifen, net nëmmen, andeem se op d'Marché geet a Sue léint an de Staate gëtt, mee et gëtt eng Institutioun, déi och an der Analyse économique zesumme mat der Kommissioun d'Staate begleede kann, fir och Krisen ze verhënneren. Dat ass d'Précautioun.

An dann natierlech, an dat ass déi gréissten Erneuerung, an ech mengen, et ass och dat, wou d'Medie sech am meeschten derfir interesséiert hunn, dat ass de Rôle vum Sécherheetsnetz, op Englesch „common backstop“.

An ech mengen, et ass gutt erkläert ginn, dass also déi Suen, déi mer mobiliséiert hunn am European Stability Mechanism, nach en additionnelle Rôle spille par rapport zum Fonds de résolution unique, dem Ofwäcklungsfong, deen an deem zweete Projet de loi dran ass.

An dofir, mengen ech, ass et awer wichteg, dass ech dat nach eng kéier erklären, wéi dat fonctionéiert. Den Här Bauler huet et ganz gutt gemaach. Et ass also elo esou, dass säit 2016 d'Banke selwer all Joer an der ganzer Bankenunioun Suen an de Fonds de résolution unique abezuelen, an zwar bis 2024, dann ass e voll. Bis dohinne wäerte 70 Milliarden dra sinn. Haut sinn der ëm déi 50 Milliarden dran. Dat si Suen, déi d'Banke selwer an dee Fong eraspeisen, fir dass, wann eng Bankekris ass, net de Steierzueler muss blechen oder de Staat an dann herno de Steierzueler, mee d'Banke selwer. Doduerch wäerte si jo hoffentlech méi virsiichteg ginn.

An hei kënn dann dee Filet de sécurité derbäi, wa mer da bis 2024 sinn, dass et net nëmmen ëm déi 70 Milliarde geet, mee dee ganze Firepower vum Mécanisme européen de stabilité, deen hannendrun als zweet Garantie ass, fir erëm eng kéier ze verhënneren, dass de Steierzueler herno muss asprangen. Ech mengen, dass dat natierlech, an déi Verhandlung huet véier, fënnef Joer gedauert, dass dat wierklech e grouse qualitative Sprong ass, dass mer dat elo hunn.

An dat, wat ee vläicht och muss gutt verstoen, dat ass, dass doduerch, dass dann elo dee Fonds de résolution unique mat dem ESM hannendrun asazfäeg ass, natierlech an all Land aus der EU den Drock erfroet. Wann also eng Bankekris kënn oder wa verschidde Banke Problemer kréien, hu mer eng Rëtsch Stufen, déi fir d'éischt spillen, bis et iwwerhaapt erof op d'États membres kënn. A mir zu Lëtzebuerg hu jo 2008 an 2009 dat un eisem eegene Leif erlief, wou et dat nach net gouf. Mir hu jo, an déi Regierungen, déi do am Asaz waren, hunn dat super gutt gemaach, d'BGL gerett an d'BIL gerett. Wa muer eng Kris géif kommen, da kéint dat hoffentlech, nee net hoffentlech, da kéint dat gemaach ginn a misst dat gemaach ginn, wann déi Banke kéinte gerett ginn iwwert deen heite Wee. Dat ass awer e grouse Progrès.

An dat ass dat, wat d'Union bancaire ass. An ech kann lech soen: Mäin éischten Eurogroup, deen ech gemaach hunn, dat war am Dezember 2013, dat ass deen Dag, wou d'Union bancaire en fait als Accord zustane komm ass. An dat setze mer säit Joren elo Schratt fir Schratt ëm. An deen Dag, wou dat decidéiert ginn ass am Dezember 2013, deen Dag duerno war ech iwwerzeegt, dass an den Zeitunge

géif stoen: „Et ass jo super, Europa ass sech eens ginn iwwert d'Bankenunioun!“ Mee dat waren net d'Titelen. D'Titele waren: „Si si sech elo eens op dem Text an op d'Prinzipie vun der Bankenunioun, mee si wäerten et ni fäerdegrëngen, dat ëmzesetzen!“

Eh bien, haut ass erëm eng kéier en Dag, net nëmmen zu Lëtzebuerg, och a villen anere Länner, wou mer amgaange sinn, déi Bankenunioun ze maachen. An dat ass typesch fir Europa: Mir bréngen et net gutt fäerdeg, d'Succèsse vun Europa de Leit ze erklären, nozebréngen. Hei ass de Message ganz einfach, extreem einfach. Wa muer eng Bank zu Lëtzebuerg riskéiert, an d'Faillite ze falen, a si misst gerett ginn, da géif dat net mat de Gelder vum Lëtzebuerger Steierzueler gemaach ginn, net mat de Gelder vum Lëtzebuerger Staat, et géif mat dem Fonds de résolution unique gemaach ginn. A wann dee keng Sue méi huet, da gëtt et gemaach mat der Garantie vum Europäesche Stabilitéitsmechanismus.

Voilà. Dat ass dat, ëm wat et geet. Ech reagéieren elo just gären op e puer Froen, déi ech gestallt krut. Ech ka se warscheinlech net all direkt beäntweren.

Mee vläicht nach just e Wuert zum ESM a Lëtzebuerg. Ech fannen dat eng super Iddi vum Deputéierte Mosar, dee proposéiert, fir den ESM besichen ze goen. Dat ass extreem interessant. En huet säi Sëtz zu Lëtzebuerg. E gebraucht elo de Lëtzebuerger Droit, de Lëtzeburgergesche juristesche Kader, fir d'Emprunten allegueren, dat eréischt säit 2019. D'Konsequenz vum Brexit: Et gëtt net méi d'angelsächsecht Recht gebraucht, mee dat Lëtzeburgergesch. A mir sinn elo, Dir sidd haut dat fënneft Land, wann Der dat heite stëmmt, wat dësen Text hei ratifizéiert.

Ech si relativ optimistes, dass d'Länner allegueren et wäerte maachen, Här Mosar, Dir hutt mer d'Fro gestallt. Ech kann natierlech net an d'Glaskugel kucken, mee dat gesäit awer uerdentlech aus.

An dann, mengen ech, ass een Theema bei villen Deputéierten erëmkomm: dass den ESM associéiert ass zur Austeritéitspolitik. Den ESM, wéi ech virdrun och gesot hunn, kritt jo och hei méi Pouvoiren, dee war en fait bei där Politik do ganz wéineg implizéiert. Déi, déi wierklech dat ausgeschafft hunn, waren d'Staaten an d'Kommissioun mam FMI zesummen.

Haut si mer alleguerte méi schlau. Mir hunn an der Kris vun 2020 gesinn, dass déi meeschte Staaten eppes ganz aneres gemaach hu wéi dat, wat se deemools gepriedegt haten. Si hunn nämlech net gesot: „Mir maachen Austeritéitspolitik!“ Si hu gesot: „Nee, mir mussen d'Ekonomie ënnerstëtzen a mir mussen d'Aarbechtsplaze retten.“ Bon. Dat ass eng Erkenntnis, déi ech begrëissen. An dofir hu mer jo och 2020 an 2021 déi Kris vill besser iwwerstanen, net nëmme mir zu Lëtzebuerg, mee déi meeschte Länner an Europa. An den Invest ass d'Antwort op esou eng Kris. Et dierf een op kee Fall den Invest erofschrauwen an enger Kris, well soss huet ee jo kee Moyer méi, fir sech opzefänken a sech en fait ze erneieren.

An ech fannen, et soll een da wierklech elo net de Stigma op d'ESM, op den europäesche Stabilitéitsmechanismus, setzen, well dat ass ongerecht par rapport zu deem, wat e gelescht huet. Mir solle frou sinn, dass mer déi Institutioun hunn.

Zu Europa, mengen ech, ass och wichteg ze soen, dass dat alles Schratt fir Schratt geschitt. Ech mengen, den Deputéierte Kartheiser huet insistéiert, dass et nach net vollent ass, wat mer hunn. Mee mir wëssen, wéi et mat Europa ass: Lues a lues gi Progrès gemaach, an dat ass gutt esou!

D'Perte de souveraineté ass och ëmmer e Sujet. Ech mengen, dass Lëtzebuerg hei, wéi och all aner Länner, e Gewënner ass mat dësem Accord. Well och wa mer hei vläicht kéinte soen: „Et ass eng Perte de souveraineté do“ - jo, mee mir kréien eng super Garantie amplaz! An déi super Garantie ass, dass dee Fong do ass, fir d'Schwieregkeete vun de Banken opzefänken op europäeschem Niveau, wa mir e Problem och zu Lëtzebuerg hätten. Also ech fannen, dat ass: « Le jeu en vaut la chandelle. »

Zum Ofschloss wëllt ech nach eng kéier soen, dass ech awer frou sinn iwwert déi grouss Zoustëmmung, déi dëse Projet hei kritt, a particulièrement frou, dass mir eent vun deenen éischte Länner sinn, déi dat heite ratifizéieren, well dës Institutioun ass zu Lëtzebuerg um Kierchbiere. An ech sinn dofir frou fir déi grouss Ënnerstëtzung.

Merci.

■ **Plusieurs voix.**- Très bien!

■ **M. Fernand Etgen, Président.**- Merci dem Här Finanzminister Pierre Gramegna. D'Diskussioun ass elo ofgeschloss.

■ **Une voix.**- Här President.

■ **M. Fernand Etgen, Président.**- Mir kommen elo zur Ofstëmmung iwwert de Projet de loi 7839.

Fir d'éischt wëllt den Här André Bauler awer nach eppes soen.



■ **M. André Bauler** (DP), *rapporteur*.- Jo. Merci, Här President. Ech wollt dem Laurent Mosar Merci soe fir déi Suggestioun, dass mer eng Kéier den ESM effektiv op de Kierchbiereg, dat ass jo quasi den Noper, besiche ginn. Mir sollte jo och eng Kéier d'Europäesch Zentralbank op Frankfurt besiche goen. Déi Visitt ass awer der Pandemie zum Affe gefall. Mir waren awer eng Kéier d'CSSF besichen, mat där mer jo och wierklech vill ze dinn hunn.

An ech fannen et perséinlech ganz wichteg, datt mer net ëmmer heibannen abstrakt, ben, semi-abstrakt heiansdo, schwätzen iwwer Saachen, déi mer awer nëmmen aus der Distanz kennen. Dofir fannen ech et gutt, datt mer de temps à autre och déi Partner begéinen, mat deene mer ze dinn hunn. Ech wollt lech soen: D'Demande un déi, déi d'Demande wäerten un de President stellen, ass elo schonn erausgaangen. Dann ass dat alles schonn erlee- degt.

■ **Une voix**.- Très bien!

■ **M. Fernand Etgen**, *Président*.- Merci, Här Bauler.

Da kéime mer elo zur Ofstëmmung. Den Text steet am Document parlementaire 7839³. Et ass eng Majoritéit vun zwee Drëttel erfuerdert an de Vote par procuration ass net erlaabt.

Vote sur l'ensemble du projet de loi 7839 et dis- pense du second vote constitutionnel

D'Ofstëmmen fänkt un.

De Vott ass heimat ofgeschloss.

De Projet de loi ass mat 45 Jo-Stëmme géint 5 Nee- Stëmmen an 2 Abstentiounen ugeholl.

Ont voté oui : Mme Diane Adehm, MM. Emile Eicher, Félix Eischen, Paul Galles, Jean-Marie Halsdorf, Mme Françoise Hetto-Gaasch, MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding, MM. Gilles Roth, Marc Spautz, Serge Wilmes et Claude Wiseler ;

MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Max Hahn, Mme Carole Hartmann, MM. Pim Knaff et Claude Lamberty ;

Mme Simone Asselborn-Bintz, M. Dan Biancalana, Mme Francine Closener, MM. Yves Cruchten, Mars Di Bartolomeo, Georges Engel, Claude Haagen, Mmes Cécile Hemmen et Lydia Mutsch ;

Mme Semiray Ahmedova, MM. Carlo Back, François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché et M. Charles Margue.

Ont voté non : MM. Jeff Engelen, Fernand Kartheiser et Fred Keup ;

Mmes Myriam Cecchetti et Nathalie Oberweis.

Se sont abstenus : MM. Sven Clement et Marc Goergen.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

Mir kommen elo zur Ofstëmmung iwwert de Projet de loi 7838. Den Text steet am Document parle- mentaire 7838³.

Vote sur l'ensemble du projet de loi 7838 et dis- pense du second vote constitutionnel

Fir d'éischt de Vote électronique fir déi perséinlech Stëmmen.

Duerno maachen ech den Appel nominal fir déi, déi wëllen e Vote par procuration ofginn.

(Appel nominal pour votes par procuration)

Domadder ass dëse Projet de loi mat 56 Jo- Stëmme bei 4 Nee-Stëmmen ugeholl.

Ont voté oui : Mmes Diane Adehm, Nancy Arendt épouse Kemp (par M. Laurent Mosar), MM. Emile Eicher, Félix Eischen, Paul Galles, Léon Gloden (par Mme Octavie Modert), Jean-Marie Halsdorf, Mmes Martine Hansen (par M. Jean-Marie Halsdorf), Françoise Hetto-Gaasch, MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding, MM. Gilles Roth, Jean-Paul Schaaf (par Mme Diane Adehm), Marc Spautz, Serge Wilmes, Claude Wiseler et Michel Wolter (par M. Claude Wiseler) ;

MM. Guy Arendt, André Bauler, Gilles Baum, Mme Simone Beissel, MM. Frank Colabianchi,

Fernand Etgen, Gusty Graas, Max Hahn, Mme Carole Hartmann, MM. Pim Knaff, Claude Lamberty et Mme Lydie Polfer (par M. André Bauler) ;

Mme Simone Asselborn-Bintz, M. Dan Biancalana, Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Georges Engel, Claude Haagen, Mmes Cécile Hemmen et Lydia Mutsch ;

Mme Semiray Ahmedova, MM. Carlo Back, François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché et M. Charles Margue ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Ont voté non : MM. Jeff Engelen, Fernand Kartheiser, Fred Keup et Roy Reding (par M. Fernand Kartheiser).

Freet d'Chamber och hei d'Dispens vum zweete Vote constitutionnel?

(Assentiment)

Et ass also esou decidéiert.

Mir sinn um Enn vun der Sitzung ukomm. D'Cham- ber kënnt muer de Moien um aacht Auer nees ze- summen. D'Sitzung ass opgehewen.

(La séance publique est levée à 21.30 heures.)

Sommaire des séances publiques n^{os} 69 et 70

69^e séance

| | |
|--|--------------|
| Ouverture de la séance publique | p. 1036 |
| 7835 - Projet de loi portant modification : 1° de la loi modifiée du 24 juin 2020 portant introduction de mesures temporaires relatives à la loi communale modifiée du 13 décembre 1988 et à la loi modifiée du 27 mars 2018 portant organisation de la sécurité civile dans le cadre de la lutte contre le Covid-19 ; 2° de la loi modifiée du 24 juin 2020 portant introduction d'une mesure temporaire relative à l'application de l'article 12 de la loi modifiée du 19 juillet 2004 concernant l'aménagement communal et le développement urbain dans le cadre de la lutte contre le Covid-19 ... | p. 1036-1037 |
| 7811 - Débat d'orientation sur le rapport d'activité de l'Ombudsman (2019) | p. 1037-1040 |
| Ordre du jour | p. 1040 |
| 7811 - Débat d'orientation sur le rapport d'activité de l'Ombudsman (2019) (suite) ... | p. 1040-1042 |
| Résolution de M. Fernand Kartheiser relative à l'organisation d'une campagne d'information au sujet de la révision de la Constitution | p. 1042-1044 |
| Résolution de M. Mars Di Bartolomeo relative au lancement d'initiatives d'information du grand public sur le devenir des modifications prévues à notre Constitution | p. 1044-1045 |
| 7844 - Projet de loi portant modification : 1° de la loi du 19 décembre 2020 portant adaptation temporaire de certaines modalités procédurales en matière civile et commerciale ; 2° de la loi modifiée du 8 mars 2017 sur la nationalité luxembourgeoise | p. 1045-1046 |
| 7814 - Projet de loi portant approbation de l'Accord entre le Grand-Duché de Luxembourg, la Confédération suisse et la République du Pérou sur le transfert d'avoirs saisis, fait à Luxembourg, le 25 novembre 2020, fait à Berne, le 4 décembre 2020 et fait à Lima, le 16 décembre 2020 | p. 1046 |
| 7844 - Projet de loi portant modification : 1° de la loi du 19 décembre 2020 portant adaptation temporaire de certaines modalités procédurales en matière civile et commerciale ; 2° de la loi modifiée du 8 mars 2017 sur la nationalité luxembourgeoise (suite) | p. 1047 |
| 7791 - Projet de loi portant modification de la loi modifiée du 10 août 1915 concernant les sociétés commerciales | p. 1047 |
| 7665 - Projet de loi modifiant : 1° la loi modifiée du 9 décembre 1976 relative à l'organisation du notariat ; 2° la loi modifiée du 10 août 1991 sur la profession d'avocat ; 3° la loi modifiée du 13 novembre 2002 portant transposition en droit luxembourgeois de la Directive 98/5/CE du Parlement européen et du Conseil du 16 février 1998 visant à faciliter l'exercice permanent de la profession d'avocat dans un État membre autre que celui où la qualification a été acquise et portant : 1. modification de la loi modifiée du 10 août 1991 sur la profession d'avocat ; 2. modification de la loi du 31 mai 1999 régissant la domiciliation des sociétés | p. 1047 |
| Ordre du jour (suite) | p. 1047 |
| 7464 - Projet de loi portant modification : 1° du Code pénal ; 2° de la loi modifiée du 20 avril 1977 relative à l'exploitation des jeux de hasard et des paris relatifs aux épreuves sportives ; 3° de la loi modifiée du 5 avril 1993 relative au secteur financier ; 4° de la loi modifiée du 23 décembre 1998 relative au statut monétaire et à la Banque centrale du Luxembourg ; 5° de la loi modifiée du 12 novembre 2002 relative aux activités privées de gardiennage et de surveillance ; 6° de la loi modifiée du 10 novembre 2009 relative aux services de paiement ; en vue de la mise en œuvre du règlement (CE) n° 44/2009 du Conseil du 18 décembre 2008 modifiant le règlement (CE) n° 1338/2001 du Conseil du 28 juin 2001 définissant des mesures nécessaires à la protection de l'euro contre le faux monnayage et du règlement (UE) n° 1210/2010 du Parlement européen et du Conseil du 15 décembre 2010 concernant l'authentification des pièces en euros et le traitement des pièces en euros impropres à la circulation | p. 1047-1048 |

| | |
|--|--------------|
| 7761 - Projet de loi portant modification : 1° du Code de la consommation ; 2° de la loi modifiée du 5 avril 1993 relative au secteur financier ; 3° de la loi modifiée du 23 décembre 1998 portant création d'une commission de surveillance du secteur financier ; 4° de la loi modifiée du 22 mars 2004 relative à la titrisation ; 5° de la loi modifiée du 10 novembre 2009 relative aux services de paiement ; 6° de la loi modifiée du 7 décembre 2015 sur le secteur des assurances ; et 7° de la loi modifiée du 30 mai 2018 relative aux marchés d'instruments financiers | p. 1048 |
| 7723 - Projet de loi portant : 1° modification de : a) la loi modifiée du 5 avril 1993 relative au secteur financier ; b) la loi modifiée du 23 décembre 1998 portant création d'une commission de surveillance du secteur financier ; c) la loi modifiée du 17 décembre 2010 concernant les organismes de placement collectif ; d) la loi modifiée du 12 juillet 2013 relative aux gestionnaires de fonds d'investissement alternatifs ; e) la loi modifiée du 7 décembre 2015 sur le secteur des assurances ; f) la loi modifiée du 18 décembre 2015 relative à la défaillance des établissements de crédit et de certaines entreprises d'investissement ; et de g) la loi modifiée du 30 mai 2018 relative aux marchés d'instruments financiers 2° transposition : a) de la directive (UE) 2019/2034 du Parlement européen et du Conseil du 27 novembre 2019 concernant la surveillance prudentielle des entreprises d'investissement et modifiant les directives 2002/87/CE, 2009/65/CE, 2011/61/UE, 2013/36/UE, 2014/59/UE et 2014/65/UE ; b) partielle de la directive (UE) 2019/2177 du Parlement européen et du Conseil du 18 décembre 2019 modifiant la directive 2009/138/CE sur l'accès aux activités de l'assurance et de la réassurance et leur exercice (solvabilité II), la directive 2014/65/UE concernant les marchés d'instruments financiers et la directive (UE) 2015/849 relative à la prévention de l'utilisation du système financier aux fins du blanchiment de capitaux ou du financement du terrorisme ; c) de la directive (UE) 2020/1504 du Parlement européen et du Conseil du 7 octobre 2020 modifiant la directive 2014/65/UE concernant les marchés d'instruments financiers ; et d) de la directive (UE) 2021/338 du Parlement européen et du Conseil du 16 février 2021 modifiant la directive 2014/65/UE en ce qui concerne les obligations d'information, la gouvernance des produits et les limites de position, et les directives 2013/36/UE et (UE) 2019/878 en ce qui concerne leur application aux entreprises d'investissement, afin de soutenir la reprise à la suite de la crise liée à la Covid-19 ; et 3° mise en œuvre : a) du règlement (UE) 2019/2033 du Parlement européen et du Conseil du 27 novembre 2019 concernant les exigences prudentielles applicables aux entreprises d'investissement et modifiant les règlements (UE) n° 1093/2010, (UE) n° 575/2013, (UE) n° 600/2014 et (UE) n° 806/2014 ; b) de l'article 4 du règlement (UE) 2019/2175 du Parlement européen et du Conseil du 18 décembre 2019 modifiant le règlement (UE) n° 1093/2010 instituant une Autorité européenne de surveillance (Autorité bancaire européenne), le règlement (UE) n° 1094/2010 instituant une Autorité européenne de surveillance (Autorité européenne des assurances et des pensions professionnelles), le règlement (UE) n° 1095/2010 instituant une Autorité européenne de surveillance (Autorité européenne des marchés financiers), le règlement (UE) n° 600/2014 concernant les marchés d'instruments financiers, le règlement (UE) 2016/1011 concernant les indices utilisés comme indices de référence dans le cadre d'instruments et de contrats financiers ou pour mesurer la performance de fonds d'investissement et le règlement (UE) 2015/847 sur les informations accompagnant les transferts de fonds | p. 1048-1049 |
| 7737 - Projet de loi portant transposition de la directive (UE) 2019/1160 du Parlement européen et du Conseil du 20 juin 2019 modifiant les directives 2009/65/CE et 2011/61/UE en ce qui concerne la distribution transfrontalière | |



des organismes de placement collectif et portant modification de :
1° la loi modifiée du 17 décembre 2010 concernant les organismes de placement collectif ; et de
2° la loi modifiée du 12 juillet 2013 relative aux gestionnaires de fonds d'investissement alternatifs..... p. 1049

70° séance

Ouverture de la séance publique p. 1050

7648 - Projet de loi relative au Pacte logement avec les communes en vue d'augmenter l'offre de logements abordables et durables et modifiant
 a) la loi modifiée du 19 juillet 2004 concernant l'aménagement communal et le développement urbain,
 b) la loi modifiée du 22 octobre 2008 portant promotion de l'habitat et création d'un pacte logement avec les communes,
 c) la loi du 17 avril 2018 concernant l'aménagement du territoire,
 d) la loi du 25 mars 2020 portant création du Fonds spécial de soutien au développement du logement p. 1050-1065

7840 - Projet de loi portant modification de :
 1° la loi modifiée du 19 décembre 2020 ayant pour objet la mise en place d'une nouvelle aide de relance ;
 2° la loi modifiée du 19 décembre 2020 ayant pour objet la mise en place d'une contribution temporaire de l'État aux coûts non couverts de certaines entreprises p. 1065-1068

7655 - Projet de loi portant création d'un pacte nature avec les communes et modifiant la loi modifiée du 31 mai 1999 portant institution d'un fonds pour la protection de l'environnement p. 1068-1073

7464 - Projet de loi portant modification :
 1° du Code pénal ;
 2° de la loi modifiée du 20 avril 1977 relative à l'exploitation des jeux de hasard et des paris relatifs aux épreuves sportives ;
 3° de la loi modifiée du 5 avril 1993 relative au secteur financier ;
 4° de la loi modifiée du 23 décembre 1998 relative au statut monétaire et à la Banque centrale du Luxembourg ;
 5° de la loi modifiée du 12 novembre 2002 relative aux activités privées de gardiennage et de surveillance ;
 6° de la loi modifiée du 10 novembre 2009 relative aux services de paiement ;
 en vue de la mise en œuvre du règlement (CE) n° 44/2009 du Conseil du 18 décembre 2008 modifiant le règlement (CE) n° 1338/2001 du Conseil du 28 juin 2001 définissant des mesures nécessaires à la protection de l'euro contre le faux-monnayage et du règlement (UE) n° 1210/2010 du Parlement européen et du Conseil du 15 décembre 2010 concernant l'authentification des pièces en euros et le traitement des pièces en euros impropres à la circulation (suite) p. 1073

7761 - Projet de loi portant modification :
 1° du Code de la consommation ;
 2° de la loi modifiée du 5 avril 1993 relative au secteur financier ;
 3° de la loi modifiée du 23 décembre 1998 portant création d'une commission de surveillance du secteur financier ;
 4° de la loi modifiée du 22 mars 2004 relative à la titrisation ;
 5° de la loi modifiée du 10 novembre 2009 relative aux services de paiement ;
 6° de la loi modifiée du 7 décembre 2015 sur le secteur des assurances ; et
 7° de la loi modifiée du 30 mai 2018 relative aux marchés d'instruments financiers (suite) p. 1073


7723 - Projet de loi portant :
 1° modification de :
 a) la loi modifiée du 5 avril 1993 relative au secteur financier ;

b) la loi modifiée du 23 décembre 1998 portant création d'une commission de surveillance du secteur financier ;
 c) la loi modifiée du 17 décembre 2010 concernant les organismes de placement collectif ;
 d) la loi modifiée du 12 juillet 2013 relative aux gestionnaires de fonds d'investissement alternatifs ;
 e) la loi modifiée du 7 décembre 2015 sur le secteur des assurances ;
 f) la loi modifiée du 18 décembre 2015 relative à la défaillance des établissements de crédit et de certaines entreprises d'investissement ; et de
 g) la loi modifiée du 30 mai 2018 relative aux marchés d'instruments financiers
 2° transposition :
 a) de la directive (UE) 2019/2034 du Parlement européen et du Conseil du 27 novembre 2019 concernant la surveillance prudentielle des entreprises d'investissement et modifiant les directives 2002/87/CE, 2009/65/CE, 2011/61/UE, 2013/36/UE, 2014/59/UE et 2014/65/UE ;
 b) partielle de la directive (UE) 2019/2177 du Parlement européen et du Conseil du 18 décembre 2019 modifiant la directive 2009/138/CE sur l'accès aux activités de l'assurance et de la réassurance et leur exercice (solvabilité II), la directive 2014/65/UE concernant les marchés d'instruments financiers et la directive (UE) 2015/849 relative à la prévention de l'utilisation du système financier aux fins du blanchiment de capitaux ou du financement du terrorisme ;
 c) de la directive (UE) 2020/1504 du Parlement européen et du Conseil du 7 octobre 2020 modifiant la directive 2014/65/UE concernant les marchés d'instruments financiers ; et
 d) de la directive (UE) 2021/338 du Parlement européen et du Conseil du 16 février 2021 modifiant la directive 2014/65/UE en ce qui concerne les obligations d'information, la gouvernance des produits et les limites de position, et les directives 2013/36/UE et (UE) 2019/878 en ce qui concerne leur application aux entreprises d'investissement, afin de soutenir la reprise à la suite de la crise liée à la Covid-19 ; et
 3° mise en œuvre :
 a) du règlement (UE) 2019/2033 du Parlement européen et du Conseil du 27 novembre 2019 concernant les exigences prudentielles applicables aux entreprises d'investissement et modifiant les règlements (UE) n° 1093/2010, (UE) n° 575/2013, (UE) n° 600/2014 et (UE) n° 806/2014 ;
 b) de l'article 4 du règlement (UE) 2019/2175 du Parlement européen et du Conseil du 18 décembre 2019 modifiant le règlement (UE) n° 1093/2010 instituant une Autorité européenne de surveillance (Autorité bancaire européenne), le règlement (UE) n° 1094/2010 instituant une Autorité européenne de surveillance (Autorité européenne des assurances et des pensions professionnelles), le règlement (UE) n° 1095/2010 instituant une Autorité européenne de surveillance (Autorité européenne des marchés financiers), le règlement (UE) n° 600/2014 concernant les marchés d'instruments financiers, le règlement (UE) 2016/1011 concernant les indices utilisés comme indices de référence dans le cadre d'instruments et de contrats financiers ou pour mesurer la performance de fonds d'investissement et le règlement (UE) 2015/847 sur les informations accompagnant les transferts de fonds (suite) p. 1073-1074

7737 - Projet de loi portant transposition de la directive (UE) 2019/1160 du Parlement européen et du Conseil du 20 juin 2019 modifiant les directives 2009/65/CE et 2011/61/UE en ce qui concerne la distribution transfrontalière des organismes de placement collectif et portant modification de :
 1° la loi modifiée du 17 décembre 2010 concernant les organismes de placement collectif ; et de
 2° la loi modifiée du 12 juillet 2013 relative aux gestionnaires de fonds d'investissement alternatifs (suite) p. 1074

7839 - Projet de loi portant approbation de l'Accord modifiant le traité instituant le mécanisme européen de stabilité, signé à Bruxelles les 27 janvier et 8 février 2021

7838 - Projet de loi portant approbation de l'Accord modifiant l'Accord concernant le transfert et la mutualisation des contributions au Fonds de résolution unique, signé à Bruxelles les 27 janvier et 8 février 2021 p. 1074-1077



CHAMBRE
DES DÉPUTÉS

d'Chamber live op
Chamber TV
och an der Rediffusioun
all Sëtzungsdag
vun 19:00 Auer un

d'Chamber online op
www.chd.lu

- L'actualité parlementaire sur www.chd.lu
- Retrouvez vos députés, tous les textes législatifs et documents parlementaires, les pétitions, les émissions « Chamber aktuell » et les vidéos des séances publiques sur www.chd.lu.
- La Chambre et les jeunes : si tu as entre 12 et 25 ans, consulte nos pages 'Junior' sur www.chd.lu, avec quiz, information et vidéo.
- L'actualité parlementaire vous intéresse ? Consultez le site de la Chambre www.chd.lu.
- Comment est créée la loi ? Toutes les explications en texte et en images sur www.chd.lu.
- De la première assemblée parlementaire de 1841 à la Chambre des Députés d'aujourd'hui : retrouvez l'histoire parlementaire sur les pages « organisation et fonctionnement » de la Chambre des Députés.